

青州府志卷三十九

傳二之二

人物傳二

三國魏

王脩字叔治北海營陵人也年七歲喪母母以社日亡來歲鄰里社脩感念母哀甚鄰里聞之爲之罷社初平中北海孔融召以爲主簿守高密令豪強懾服舉孝廉脩讓邴原融不聽時天下亂遂不行頃之郡中有反者脩聞融有難夜往奔融復署功曹時膠州多賊寇復令脩守膠東令膠東人公沙盧宗彊自爲營塹不肯應發調脩獨將數騎

青州府志卷三十九

一

徑入其門斬盧兄弟公沙氏驚愕莫敢動脩撫慰其餘由是寇少止融每有難脩雖林歸在家無不至融常賴脩以免袁譚在青州辟脩爲治中從事別駕劉獻數毀短脩後獻以事當死脩理之得免袁紹又辟脩除卽墨令後復爲譚別駕紹死譚尚有隙尚攻譚譚軍敗譚復欲攻尚脩諫不聽遂與尚相攻擊請救於太祖太祖旣破冀州譚又叛太祖遂攻譚於南皮脩時運糧在樂安往赴譚至高密聞譚死下馬號哭曰無君焉歸遂詣太祖曰若得收殮譚屍然後就戮無所恨太祖嘉其義聽之以脩爲督軍糧還樂安袁氏政寬在職執者多蓄聚太祖破鄴籍沒審配等家

財物以萬數及破南皮閱脩家穀不滿十斛有書數百卷  
太祖歎曰士不妄有名乃禮辟爲司空掾行司金中郎將  
遷魏郡太守魏國旣建爲大司農郎中令太祖議行肉刑  
脩以爲時未可行太祖采其議徙爲奉常其後嚴才反攻  
掖門脩召車馬未至便將官屬步至宮門太祖在銅雀臺  
望見之曰彼來者必王叔治也頃之病卒官子忠官至東  
萊太守散騎常侍

三國魏  
志本傳

邴原字根矩北海朱虛人也少與管寧俱以操尚稱孔融  
爲北海相舉原有道原以黃巾方盛遂至遼東與同郡劉  
政俱有勇略雄氣遼東太守公孫度畏惡欲殺之盡收捕

青州府志卷三十九

二

其家政得脫往投原原匿之月餘時東萊太史慈當歸原  
因以政付之又資送政家皆得歸故郡原在遼東一年中  
往歸原居者數百家游學之士教授之聲不絕後得歸太  
祖辟爲司空掾徙署丞相徵事崔炎爲東曹掾記讓曰徵  
事邴原議郎張範皆秉德純懿志行忠方清靜足以厲俗  
貞固足以幹事所謂龍翰鳳翼國之重寶舉而用之不仁  
者遠代涼茂爲五官將長史閉門自守非公事不出太祖  
征吳原從行卒曾孫郁字宏文少有原風敕身謹潔口不  
妄說耳不妄聽端拱恂恂舉動有禮與高密劉鮪並有高  
名咸康中帝博求異行之士二人俱被公卿薦舉於是以

博士徵之郁辭以疾鮒隨使者到京師自陳年老不拜各

以壽終

原三國魏志本傳  
郁見晉書韓績傳

三國志裴注原別傳曰原十一而喪父家貧早孤鄰有書舍原過其旁而泣師問曰童子何悲原曰孤者易傷貧者易感夫書者必皆具有父兄者一則羨其不孤二則羨其得學心中惻然而爲涕零也師亦哀原之言而爲之泣曰欲書可耳答曰無錢資師曰童子苟有志我徒相教不求資也於是遂就書一冬之間誦孝經論語自在童齠之中嶷然有異及長金玉其行欲遠游學詣安邱孫嵩嵩辭曰君鄉里鄭君君知之乎原答曰然嵩

青州府志卷三十九

三

曰鄭君學覽古今博聞彊識鉤深致遠誠學者之師模也君乃舍之躡屣千里所謂以鄭爲東家某者也君似不知而曰然者何原曰先生之說誠可謂苦藥良鍼矣然猶未達僕之微趣也人各有志所規不同故乃有登山而采玉者有入海而采珠者豈可謂登山者不知海之深入海者不知山之高哉君謂僕以鄭爲東家某君以僕爲西家愚夫耶嵩辭謝焉又曰兗豫之士吾多所識未有若君者當以書相分原重其意難辭之持書而別原心以爲求師啟學志高者通非若交游待分而成也書何爲哉乃藏書於家而行原舊能飲酒自行之後

八九年間酒不向口單步負笈苦身持力至陳留則師韓子助潁川則宗陳仲弓汝南則交范孟博涿郡則親盧子幹臨別師友以原不飲酒會米肉送原原曰本能飲酒但以荒思廢業故斷之耳今當遠別因見貺餞可一飲燕於是共坐飲酒終日不醉歸以書還孫嵩解不致書之意後爲郡所召署功曹主簿時魯國孔融在郡教選計當任公卿之才乃以鄭元爲計掾彭璆爲計吏原爲計佐融有所愛一人常盛嗟歎之後恚望欲殺之朝吏皆請時其人亦在坐叩頭流血而融意不解原獨不爲請融謂原曰衆皆請而君何獨不原對曰明府於

某本不薄也常言歲終當舉之此所謂吾一子也如是朝吏受恩未有在某前者矣而今乃欲殺之明府愛之則引而方之於子憎之則推之欲危其身原愚不知明府以何愛之以何惡之融曰某生於微門吾成就其兄弟拔擢而用之某今孤負恩施夫善則進之惡則誅之固君道也往者應仲遠爲泰山太守舉一孝廉旬月之間而殺之夫君人者厚薄何常之有原對曰仲遠舉孝廉殺之其義焉在夫孝廉國之俊選也舉之若是則殺之非也若殺之是則舉之非也詩云彼其之子不遂其媾蓋譏之也語云愛之欲其生惡之欲其死旣欲其生

又欲其死是惑也仲遠之惑甚矣明府奚取焉融乃大笑曰吾乃戲耳原又曰君子於其言出乎身加乎民言行君子之樞機也安有欲殺人而可以爲戲者哉融無以答是時漢朝陵遲政以賄成原乃將家人入鬱洲山中郡舉有道融書喻原曰脩性保真清虛守高危邦不入久潛樂土王室多難西遷鎬京聖朝勞謙疇咨雋乂我徂求定策命懇惻國之將隕釐不卹緯家之將亡緹縈跋涉彼匹婦也猶執此義實望根矩仁爲己任授手援溺振民於難乃或晏晏居息莫我肯顧謂之君子固如此乎根矩根矩可以來矣原遂到遼東遼東多虎原

之邑落獨無虎患原嘗行而得遺錢拾以繫樹枝此錢旣不見取而繫錢者愈多問其故答者謂之神樹原惡其由己而成淫祀乃辨之於是里中遂斂其錢以爲社供後原欲歸鄉里止於三山孔融書曰隨會在秦賈季在翟諮仰靡所歎息增懷頃知來至近在三山詩不云乎來歸自鎬我行永久故遣五官掾奉問榜人舟楫之勞禍福動靜告慰亂階未已阻兵之雄若棊弈爭梟原於是遂復反還積十餘年後乃遁還南行已數日而度甫覺度知原之不可復追也因曰邴君所謂雲中白鶴非鶉鷄之網所能羅矣又吾自遣之勿復求也遂免危

難自反國土原於是講述禮樂吟咏詩書門徒數百服道數十時鄭元以博學洽聞注解典籍故儒雅之士集焉原亦以高遠清白頤志澹泊口無擇言身無擇行故英偉之士向焉是時海內清議云青州有邴鄭之學魏太祖爲司空辟原署東閣祭酒太祖北伐三郡單于還住昌國燕士大夫酒酣太祖曰孤反鄴守諸君必將來迎今日明旦度皆至矣其不來者獨有邴祭酒耳言訖未久而原先至門下通謁太祖大驚喜擊履而起遠出迎原曰賢者誠難測度孤謂君將不能來而遠自屈誠副饑虛之心謁訖而出軍中士大夫詣原者數百人太

祖怪而問之時荀文若在坐對曰獨可省問邴原耳太祖曰此君名重乃亦傾士大夫心文若曰此一世異人土之精藻公宜盡禮以待之太祖曰固孤之宿心也自是之後見敬益重原雖在軍厯署常以病疾高枕里巷終不當事又希會見河南張範名公之子也其志行有與原符甚相親敬令曰邴原名高德大清規邈世魁然而峙不爲孤用聞張子頗欲學之吾恐造之者富隨之者貧也魏太子爲五官中郎將天下向慕賓客如雲而原獨守道持常自非公事不妄舉動太祖微使人從容問之原曰吾聞國危不事冢宰君老不奉世子此典制

也於是乃轉五官長史令曰子弱不才懼其難正貪欲相屈以匡厲之雖云利賢能不恧恧太子燕會衆賓百數十人太子建議曰君父各有篤疾有藥一丸可救一人當救君耶父耶衆人紛紜或父或君時原在坐不與此論太子諮之於原原悖然對曰父也太子亦不復難之

任嘏字昭先樂安博昌人世爲著姓夙智早成故鄉人爲

之語曰蔣氏翁任氏童父旌

齊乘作旌

字子旃以至行稱漢末

黃巾賊起天下饑荒人民相食寇到博昌聞旌姓字乃相謂曰宿聞任子旃天下賢人也今雖作賊那可入其鄉耶

青州府志卷三十九

七

遂相帥而去由是聲聞遠近州郡並招舉孝廉歷酸棗祝阿令嘏八歲喪母號泣不絕聲自然之哀同於成人故幼以至性見稱年十四始學疑不再問三年中誦五經皆究其義兼包羣言無不綜覽於時學者號之神童遂遇荒亂家貧賣魚會官稅魚魚貴數倍嘏取直如常又與人共買生口各雇八匹後生口家來贖時價直六十匹其買者欲隨時價取贖嘏自取本價八匹其買者慙亦還取本價北居者擅耕嘏地數十畝種之人以語嘏嘏曰我自以藉之耳耕者聞之慙謝還地及邑中爭訟皆詣嘏質之然後意厭其子弟有不順者父兄竊數之曰汝所行豈可令任君

知耶其禮教所化 皆如此會太祖創業召海內至德嘏  
應其舉爲臨淄侯庶子相國東曹屬尚書郎文帝時爲黃  
門侍郎每納忠言輒手書懷本自在近省歸書不封帝嘉  
其淑慎累遷東郡趙郡河東太守所在化行有遺風餘教  
嘏爲人淳粹凱悌虛己若不足恭敬如有畏其脩身履義  
皆沈默潛行不顯其美故時人少得稱之著書三十八篇  
凡四萬餘言嘏卒後故吏東郡程威趙國劉固河東上官  
崇等錄其事行及所著書奏之詔下祕書以貫羣言

三國  
魏志

王昶傳  
裴注

三國吳

青州府志卷三十九

八

是儀字子羽北海營陵人也依劉繇避亂江東繇軍敗儀  
徙會稽孫權徵儀拜騎都尉後封都亭侯守侍中黃武中  
遣儀之皖就將軍劉邵欲誘致曹休休到大破之遷偏將  
軍入闕省尚書事外總平諸官兼領辭訟又令教諸公子  
書學大駕東遷太子登留鎮武昌使儀輔太子進封都鄉  
侯後從太子還建業復拜侍中中執法平諸官事領辭訟  
如舊典校郎呂壹誣白故江夏太守刁嘉謗訕國政權怒  
收嘉繫獄悉驗問時同坐人皆怖畏壹並言聞之儀獨云  
無聞於是見窮詰累日詔旨轉厲羣臣爲之屏息儀據實  
答問辭不傾移權遂舍之嘉亦得免蜀相諸葛亮卒權垂



心西州遣儀使蜀申固盟好奉使稱意後拜尚書僕射南魯二宮初立儀以本職領魯王傳動輒規諫事上勤與人恭不治產業不受施惠爲屋舍財足自容服不精細食不重膳拯贍貧困家無儲蓄權聞之幸儀舍求視蔬飯親嘗之對之歎息卽增俸賜益田宅儀累辭讓以恩爲戚時時有所進達未嘗言人之短呂壹厯白將相大臣或一人以罪聞者數四獨無以白儀權歎曰使人盡如是儀當安用科法爲年八十一卒

三國吳志本傳

滕允字承嗣北海劇人也伯父耽父胄與劉繇州里通家以世擾亂渡江依繇孫權爲車騎將軍拜耽右司馬以寬

青州府志卷三十九

九

厚稱早卒無嗣胄善屬文權待以賓禮軍國書疏常令損益潤色之亦不幸短命權爲吳王追錄舊恩封允都亭侯少有節操美儀容弱冠尚公主年三十起家爲丹陽太守徙吳郡會稽所在見稱太元元年權寢疾詣都留爲太常與諸葛恪等俱受遺詔輔政孫亮卽位加衛將軍恪將悉衆伐魏允諫恪恪曰諸云不可者皆不見計算懷居苟安者也而子復以爲然吾何望乎夫以曹芳闇劣而政在私門彼之臣民固有離心今吾因國家之資藉戰勝之威則何往而不克哉以允爲都下督掌統留事允白日接賓夜省文書或通曉不寐

三國吳志本傳

舊志三國有孫叔然徐幹孫乾三人案王朗傳叔然  
樂安人樂安郡領縣不盡在今青州幹乾皆北海人  
幹見王粲傳乾自有傳尤不得以今青州爲斷故略  
之

晉

任愷字元褒樂安博昌人也父吳魏太常愷少有識量尚  
魏明帝女晉國建爲侍中封昌國縣侯愷有經國之幹帝  
器而昵之政事多諮焉愷惡賈充之爲人不欲令久執朝  
政每裁抑焉充病之後承閒言愷忠貞局正宜在東宮使  
護太子帝從之以爲太子少傅而侍中如故會秦雍寇擾

青州府志卷三十九

十

愷因曰秦涼覆敗關右騷動宜速鎮撫使人心有庇自非  
威望重臣有計略者無以康西土也帝曰誰可任者愷曰  
賈充其人也於是詔充西鎮長安充用荀勗計得留庾純  
張華溫顛向秀和嶠之徒皆與愷善楊珧王恂華廙等充  
所親敬於是朋黨紛然帝知之召充愷宴於式乾殿曰朝  
廷宜一大臣當和充愷各拜謝而罷或謂充謀曰愷總門  
下樞要得與上親接宜啟令典選使得漸疎充因稱愷才  
能宜在官人之職帝卽日以愷爲吏部尚書加奉車都尉  
愷旣在尚書選舉公平盡心所職然侍覲轉希充與荀勗  
馮紆承間浸潤謂愷奢侈用御食器充遣尚書右僕射高

陽王珪奏愷遂免官有司收太官宰人檢覈是愷妻齊長公主得賜魏時御器也山濤明愷爲人通敏有智局舉爲河南尹坐賊發不獲又免官復遷光祿勳賈充朋黨又有司奏愷與立進令劉友交關事下尚書愷對不伏尚書杜友廷尉劉良知愷爲充所抑欲申理之故遲留而未斷以是愷及友良皆免官愷不得志竟以憂卒謚曰元子罕嗣罕字子倫幼有門風才望不及愷以淑行致稱爲清平佳士歷黃門侍郎散騎常侍兗州刺史大鴻臚

晉書本傳

光逸字孟祖樂安人也初爲博昌小吏後爲門亭長迎新令至京師胡母輔之與荀邃共詣令家望見逸謂邃曰彼

青州府志卷三十九

十一

似奇才便呼上車與談令怪客不入吏白與光逸語令大怒除逸名斥遣之後舉孝廉爲州從事棄官投輔之輔之時爲太傅越從事中郎薦逸於越越以門寒而不召越後因閑宴責輔之無所舉薦輔之曰前舉光逸公以非世家不召非不舉也越卽辟焉元帝以逸補軍諮祭酒中興建

爲給事中

晉書本傳

王裒字偉元城陽營陵人也父儀高亮雅直爲文帝司馬束關之役帝問於衆曰近日之事誰任其咎儀對曰責在元帥帝怒曰司馬欲委罪於孤耶遂引出斬之裒少立操尚行已以禮博學多能痛父非命未嘗西向而坐示不臣

朝廷也於是隱居教授三徵七辟皆不就廬於墓側旦夕

至墓所拜跪攀柏悲號涕淚著樹樹為之枯母性畏雷

母歿每雷輒到墓曰哀在此及讀詩至哀哀父母生我劬

勞未嘗不三復流涕門人受業者並廢蓼莪之篇哀常以

為人之所行期於當歸善道何必以所能而責人所不能

及洛京傾覆寇盜蠡起親族悉欲移度江東哀戀墳壟不

去賊大盛方行猶思慕不能進遂為賊所害

晉書孝友本傳

徐苗字叔胄高密淳于人也曾祖華有至行祖邵為魏尚

書郎以廉直見稱苗少家貧弱冠與弟賈就博士濟南宋

鈞受業遂為儒宗作五經同異評又依道家元論前

青州府志卷三十九

十二

後所造數萬皆有義抗烈輕財貴義有人之

鑒弟為之其弟皆早亡撫養孤

愛奴之鄉有死者便輟

於堂郡察孝廉

行公再武惠時計吏

臺訪其不永寧二年卒

器

太齊人起

史學友思

不之貌

訥而辭藻壯麗造齊都賦一年乃成復欲賦三都會妹芬  
入宮移家京師乃詣著作郎張載訪岷邛之事遂構思十  
年門庭藩溷皆著筆紙遇得一句即便疏之自以所見不  
博求爲祕書郎及賦成安定皇甫謐有高譽思造而示之  
謐稱善爲其賦敘張載爲注魏都劉逵注吳蜀而敘之司  
空張華見而歎曰班張之流也使讀之者盡而有餘久而  
更新於是豪貴之家競相傳寫洛陽爲之紙貴

晉書文苑本傳

伏滔字元度平昌安邱人也有才學少知名州舉秀才辟  
別駕皆不就大司馬桓温引爲參軍深加禮接每宴集之  
所必命滔同遊從温伐袁真至壽陽以淮南屢叛著論二

青州府志卷三十九

十三

篇名曰正淮壽陽平以功封聞喜縣侯除永世令温薨征  
西將軍桓豁引爲參軍領華容令太元中拜著作郎專掌  
國史領本州太中正遷游擊將軍著作如故卒官子系之

亦有文才歷黃門郎侍中尚書光祿大夫

晉書文苑本傳

孟昶字彥達平昌人少矜嚴有志局桓元篡位以桓宏爲  
青州刺史鎮廣陵昶爲主簿劉裕密謀起兵興復晉室謂  
昶曰草間當有英雄起卿頗聞乎昶曰今日英雄有誰正  
當是卿耳於是裕劉毅何無忌等合謀起兵欲殺宏據廣  
陵昶因勸宏出獵與劉毅劉道規率壯士數十人直入斬  
之因收衆濟江推裕爲盟主昶爲長史守京口及元敗昶

爲丹陽尹尋爲吏部尚書代孔安國爲尚書左僕射義熙五年裕抗表伐南燕朝議皆以爲不可惟昶與車騎司馬謝裕參軍臧熹以爲必克勸裕行盧循乘虛而出率衆過嶺破江豫二鎮昶懼寇漸逼欲擁帝過江裕不聽昶恐其不濟乃抗表自陳仰藥而死

以宋書及通鑑修

舊志晉有劉敏元王歡張載張協張亢汜毓王猛晏謨八人案敏元本傳但曰北海人舊志直曰劇人恐無所本歡本傳樂陵人舊志作營陵誤載本傳安平人弟協亢附晉安平今直隸安平縣則以東安平而誤耳毓濟北盧人汜氏客居青州逮毓七世然晉青

青州府志卷三十九

十四

州統郡國六縣三十七雖齊國及樂安城陽二郡多今青州地而其統縣二十八在今府者纔今縣屬之七耳當闕疑猛事秦入雜傳謨無事實入雜記可也

宋

孟次陽字崇基平昌人太始初爲山陽王休祐驃騎參軍辭安都子道標攻合肥次陽擊破之以功封攸縣子食邑三百戶歷右軍驃騎將軍六年出爲輔師將軍兗州刺史戍淮陰進號冠軍將軍

以宋書及通鑑修

北魏

王憲字顯則北海劇人也憲幼孤隨伯父永在鄴苻丕稱

尊號復以永爲丞相永爲慕容永所殺憲奔清河匿於民  
家皇始中輿駕次趙郡之高邑憲乃歸誠太祖見之曰此  
王猛孫也厚禮待之以爲本州中正領選曹事兼掌門下  
世祖卽位行廷尉卿出爲上谷太守加中壘將軍賜爵高  
唐子清身率下風化大行尋拜外都大官後爲中都歷任  
二曹斷獄稱旨進爵劇縣侯加龍驤將軍出爲并州刺史  
加安南將軍進爵北海公境內清肅及還京師以憲元老  
特賜錦繡布帛絲采珍羞禮膳天安初卒年八十九贈鎮  
南將軍青州刺史謚曰康子崇襲早卒子仲智襲歷中書  
侍郎安西將軍幽州刺史有清平之稱崇弟疑字道長少

以父任爲中書學生稍遷南部大夫高祖初出使巡察青  
徐兗豫撫慰新附觀省風俗還遷南部尚書在任十四年  
加散騎常侍右將軍賜爵東平侯未幾拜安東將軍進爵  
樂安公出爲持節鎮西將軍秦州刺史改爲華山公散騎  
常侍如故後入爲內都大官卒子祖念襲爵官至東平太  
守例降爵爲侯卒贈寧朔將軍光州刺史子慶鍾襲爵給  
事中貪穢無行坐事爵除祖念弟雲字羅漢頗有風尚自  
尚書郎入爲中書舍人轉司州別駕光祿少卿改授衛尉  
少卿出爲冠軍將軍尚書兗州刺史尋進號征虜將軍在  
州坐受所部荆山戍主杜虞財貨又取官絹因染割易御

史糾劾付廷尉遇赦免熙平二年卒官膾平南將軍豫州

刺史謚曰文昭有九子長子昕字元景武定末太子詹事

北史太尉汝南王悅辟為騎兵參軍後除著作佐郎又除

尚書右外兵郎中出為光州長史遷東萊太守太昌初還

洛為常侍加金紫光祿大夫元象元年兼散騎常侍左遷

陽平太守又以讒削奪官爵徙幽州為百姓未幾徵還奉

敕送肅莊於梁為主除銀青光祿大夫判祠部尚書旋被

殺天統末追贈吏部尚書有文集二十卷子顓嗣卒於燕

守郡太 昕弟暉字元旭早稱機悟歷尚書儀曹郎中書舍人

贈散騎常侍鎮軍將軍兗州刺史暉弟吁字仲明祕書郎

司徒主簿天平中為盜所害魏書本傳昕母清河崔氏學識有

風訓生九子皆風流醞藉世號王氏九龍昕弟暉昭晞皓

最知名昭字仲亮少好儒術又頗以武藝自許性敦篤以

青州府志卷三十九

友弟知名卒於考功郎中晞字叔朗小名沙彌幼而孝謹

淹雅有器度好學不倦美容儀有風則齊神武訪朝廷子

弟忠孝謹密者令與諸子遊晞與清河崔瞻頓邱李度范

陽盧正通首應此選隨神武到晉陽補中外府功曹參軍

帶常山王演友齊天保初行太原郡事及文宣昏逸常山

王數諫帝疑王假辭於晞髡鞭鉗配甲方居三年王又固

諫爭大被毆撻閉口不食太后極憂之帝每問王疾謂曰

努力彊食當以王晞還汝乃釋晞令往由是得免徒還為

王友昭帝踐祚九月除晞散騎常侍仍領兼吏部郎中尋

拜為太子太傅晞以局司奉璽授皇太子太子釋奠又兼



中庶子帝欲以晞爲侍中苦辭不受孝昭崩晞哀慕殆不自勝因以羸敗武成本忿其儒緩由是彌嫌之因奉事大被訶叱而雅步宴然歷東徐州刺史祕書監武平初遷大鴻臚加儀同三司監修起居注待詔文林館齊亡周武帝以晞爲儀同大將軍太子諫議大夫隋開皇元年卒於洛陽贈儀同三司曹州刺史皓字季高少立名行爲士友所稱遭母憂居喪有至性儒緩亦同諸兄太寧初兼散騎常侍聘陳使主天統末修國史尋除通直散騎常侍卒贈郢州刺史子伯奉朝請待詔文林館皓弟煜字季炎卒於滄

州司馬

北史憲本傳

青州府志卷三十九

十七

崔亮字敬儒清河東武城人曾祖輯南徙青州因仕宋爲泰山太守祖修之清河太守父元孫尚書郎青州刺史沈文秀之叛宋明帝使元孫討之爲文秀所害亮母房攜亮依其叔祖冀州刺史道固於歷城及慕容白曜平三齊內徙桑乾爲平齊人時年十歲常依季父幼孫居貧傭書自業時隴西李冲召亮與語甚奇之薦之爲中書博士轉議郎尋遷尚書二千石孝文在洛馳驛徵亮兼吏部郎俄爲太子中舍人遷中書侍郎兼尚書左丞亮雖歷顯任其妻不免事春籛孝文聞其清貧詔帶野王令宣武親政遷給事黃門侍郎仍兼吏部郎領青州大中正亮自參選事垂

將十年廉慎明決爲尚書郭祚所委尋除散騎常侍仍爲黃門遷度支尚書領御史中尉轉都官尚書又轉七兵領廷尉卿加散騎常侍徐州刺史元昫撫御失和詔亮馳驛安撫除安西將軍雍州刺史亮性公清敏於斷決所在並號稱職三輔服其德政宣武嘉之詔賜衣馬被褥後納其女爲九嬪徵爲太常卿攝吏部事孝明初出爲定州刺史梁左遊擊趙祖悅率衆偷據硤石詔亮假鎮南將軍使持節督諸軍以討之亮至硤石祖悅出城逆戰大破之以功進號鎮北將軍李平部分諸軍將水陸兼進以討堰賊亮違平節度以疾請還隨表而發及平至亮與爭功於禁中

形於聲色尋除殿中尚書遷吏部尚書歷侍中太常卿左光祿大夫尚書右僕射轉尚書僕射加散騎常侍疽發於背上表乞解僕射詔不許尋卒贈車騎大將軍儀同三司謚曰貞烈亮有三子士安士和士泰並強幹善於當世士安歷尚書北部郎卒於諫議大夫無子弟士和以子乾亨繼乾亨武定中尚書都兵郎中士和初爲司空主簿魏書亮傳士和從亮征硤石以軍勲拜冠軍將軍中散大夫西道行臺元修義左丞行涇州事蕭寶寅之在關中以爲都督府長史時莫折念生遣使詐降寶寅表士和兼度支尚書爲隴右行臺令人秦撫慰爲念生所害士泰歷給事中司空從事中郎諫議大夫司空司馬明帝末荆

蠻侵斥以士泰爲龍驤將軍征蠻別將事平以功賜爵五等男子肇師襲爵天平初以通直散騎侍郎爲慰勞青州使天保初以參定渾代禮儀封襄城縣男仍兼中書侍郎亮弟敬默奉朝請卒於征虜長史子思韶從亮征硤石以軍功賜爵武成子爲冀州別駕

北史本傳

魏開府參軍事崔府君墓誌銘君諱頴清河東武城人尚書僕射貞烈公之孫涇州使君第二子也冠冕世德福慶餘緒曜車爲寶荆玉成珍文慧之志著自弱年孝友之情表於冠歲藻翰與春華比美景迹共秋菊均榮而宦止開府參軍事輔仁之道便虛年廿六武定六年

青州府志卷三十九

十九

七月邁疾七日卒於鄴都寢舍粵以天保四年二月甲午朔廿九日歸窆本鄉齊城南五十里之神瑩日月不居感臨川之歎有德無位致殞秀之悲其銘曰於穆不已世載其英朝端岳牧袞紱瓊珩休芳必嗣有美誕生黃中闡譽敏口櫛名膺斯府檄稱是才實器懷明悟文情委逸方此令期宜從厚秩命也不融朝驂遽故矣刊石泉陰永傳蘭芷

塵書廢笥一辭華屋言歸蒿里原隰

風鬱

案魏書地形志青州統郡七縣三十七亮祖輯雖徙青州不敢必爲今青州地也及考崔府君墓誌銘知

亮爲顧祖士和其父顧卽乾亨弟也曰葬於本鄉齊城南五十里則在今益都境內唐宰相世系表所謂青州房也故爲亮立傳又崔氏有青州烏水房然崔曠隨慕容德南渡河居時水其子靈延卽徙代見崔光傳姑略之

傅豎眼本清河人祖父融南徙渡河家於磐陽爲鄉閭所重性豪爽有三子靈慶靈根靈越並有才力豎眼卽靈越子也沈毅壯烈少有父風入國鎮南王肅見而異之表爲參軍從肅征伐累有戰功稍遷給事中步兵校尉左中郎將常爲統軍東西征伐世宗時爲建武將軍轉昭武將軍

青州府志卷三十九

二十

益州刺史進號冠軍將軍及高肇伐蜀假豎眼征虜將軍持節領步兵三萬先討北巴蕭衍遣其寧州刺史任太洪從陰平偷路入益州北境奄破東洛除口二戍詐言南軍繼至氏蜀信之翕然從逆太洪率氏蜀數千圍逼關城豎眼遣寧朔將軍成興孫討之又遣統軍姜喜季元度從東嶼潛入回出西岡邀賊之後表裏合擊大破之豎眼振卹士卒撫蜀人以恩信爲本世宗甚嘉之肅宗初屢請解州乃以元法僧代之至洛拜征虜將軍太中大夫蕭衍遣將趙祖悅入屯峽石以逼壽春鎮南將軍崔亮討之以豎眼爲持節鎮南軍司法僧旣至大失民和蕭衍遣其信武將

軍衡州刺史張齊因民心之怨入寇晉壽乃驛徵豎眼於淮南以爲右將軍益州刺史尋加散騎常侍平西將軍假安西將軍西征都督率步騎三千以討張齊豎眼旣出梁州衍冠軍將軍勾道侍梁州刺史王太洪等十餘將所在拒塞豎眼三日之中轉戰二百餘里甲不去身頻致九捷士民統軍席廣度等處處邀擊斬太洪及衍征虜將軍楊伏錫等首張齊引兵西退遂奔葭萌蜀民間豎眼復爲刺史人人喜悅迎於路者日有百數益州平表求解州不許復轉安西將軍岐州刺史常侍如故仍轉梁州刺史常侍將軍如故梁州之人旣得豎眼爲牧人咸自賀而豎眼至

青州府志卷三十九

二十一

州遇患不堪綜理其子敬紹險暴不仁聚貨耽色見天下多事陰懷異圖在城兵武執敬紹白豎眼而殺之豎眼恥

恚發疾遂卒

魏書本傳

賈思伯字士休齊郡益都人也世父元壽中書侍郎有學行見稱於時思伯自奉朝請累遷中書侍郎頗爲孝文所知累遷南青州刺史昭帝時拜涼州刺史思伯以邊遠不願辭以男女未婚靈太后不許因舍人徐紇言乞得停後除廷尉卿自以儒素爲業不好法律希言事俄轉衛尉卿後爲都官尚書時崔光疾甚表薦思伯侍講中書舍人馮元興爲侍讀思伯遂入授明帝杜氏春秋思伯少雖明經

從官廢業至是更延儒生夜講晝授性謙和傾身禮士雖在街途停車下馬接誘恂恂曾無倦色客有謂曰公今貴重寧能不驕思伯曰衰至便驕何常之有當世以爲雅言卒贈青州刺史又贈尚書左僕射謚曰文貞子彥始武定中淮揚太守思伯弟思同字仕明少厲志行雅好經史與兄思伯年少時俱爲鄉里所重累遷襄州刺史元顥之亂思同與廣州刺史鄭光護並不降莊帝還宮封營陵縣男後與國子祭酒韓子熙並爲侍講授靜帝杜氏春秋加散騎常侍兼七兵尚書尋拜侍中卒贈尚書右僕射司徒公謚曰文獻初思同爲青州別駕清河崔光韶先爲中從事

青州府志卷三十九

二十二

自恃資地恥居其下聞思同還鄉遂便去職州里人物爲思同恨之及光韶亡遺誠子姪不聽求贈思同遂表訟光韶操業特蒙賜謚論者歎尚焉

北史本傳

北齊

房周陔字仁師益都人隱居有雅量鄉里重之至比之漢

黃叔度云

以房處士墓誌銘修

北齊房處士墓誌銘處士房周陔字仁師齊郡益都縣都鄉營邱里人君東秦之名士也器宇淹宏宮牆淵邃鄉黨未有量其邊幅朋友不能測其淺深嶷嶷然若劍閣之於雲漢汪汪也似洪波之在藪澤而心無是非懷

忘彼我是以士友見之者解貧憂 鄙吝若斯之  
假以長年紀綱天地何期雲電無 恒風飄疾春秋  
有五以大齊河清三年九月十三日卒於營邱里天  
元年十月廿四日癸酉窆於鼎足山之陽惜乎馨蘭夏  
折芳菊秋摧余曾因讌言之次謂之曰昔師曠聽聲觀  
色惜王子之早逝僕今視骨看文恐吾賢亦不眉壽當  
時此謔事等鍾筍之戲不意一二年間便致俎殞於是  
握筆銜哀敘君盛德冀幽魂有悟知 言其銘曰冠  
蓋淄川風流稷下道踰邴鄭名超終賈邑傳孝節鄉稱  
儒雅匹鳥於鳳方驥於馬人同金箭臭等蘭蓀情高志  
潔心直根温朋因淡久交以素存江湖相望得意忘言  
風飄泫露塵飛弱草百年一 無 少老沒而不墮德  
音爲寶銘石泉境用申交道

舊志南北朝有王鎮惡孟懷玉懷玉弟龍符龍符弟  
孫係祖任遐遐弟子昉伏曼容曼容子暉暉子挺九  
人案鎮惡宋書本傳以義熙十四年見殺於沈田子  
當是晉人然鎮惡終身事劉裕繫之於晉義無取焉  
懷玉出處與鎮惡略同遐見南史昉傳昉歷齊梁曼  
容南史本傳始末終梁皆不得統以一代當用五代  
史列入雜傳而以龍符係祖附懷玉暉挺附曼容遐

無事實仍具昉傳可也又有蔣少游徐紘張僧皓鄭修王閻孫益德諸葛瓌孫搴八人案少游北史本傳以劊劓見知當入術藝紘魏書本傳說羊侃舉兵反搴預崔祖螭之謀攻東陽城僧皓亦與焉紘搴當入雜傳僧皓張烈弟魏書烈本傳清河東武城人居齊郡之臨淄應列僑寓然烈諂附元乂其兄弟又皆在雜傳之例而僑寓不能別爲雜傳載入雜記所以垂戒也修魏書本傳北海人魏志北海領縣五青州且不得其半閻本傳北海密人北海有下密今之昌邑曰密史之省文也舊志直曰密州魏焉得有密州乎

益德本傳樂安人樂安郡領縣四千乘博昌二縣在今樂安壽光今樂安雖魏郡治但舉郡名未必卽千乘人也據梁書本傳琅邪陽都人其時沂水尚屬青州自當爲瓌立傳而改曰諸人不可不辨又隋高構松贊二人皆北海人舊志有之已足備考與孫益德皆存疑可也